

Kōkōmānmanlōk Āinwōt juon Rūkaki Āinwōt Kraist — Juon Etale an Juon Make

Āinwōt rūkaki ro, jej aikuj emakijkij ad etale ta kajoor ko ad im mōjņo ko bwe jen maroñ jipañ rikkatak ro kalōk tōmak ko ilo Jisōs Kraist im eromlōk āinwōt E. Laajrak in mākūtūt in emaroñ jipañ eok kōjerbal pedped in katak ko āinwōt an Kraist katakin. Lōmņak kake ewi wāween an kajjojo ennaan kein kwoj kōmeļeik āinwōt juon rūkaki. Kāālet uwaak eo ekkar tata ñan kajjojo ennaan ko: (1) ejeja, (2) jet iien, (3) emakijkij, (4) eiten aolep iien.

Innām, āinwōt an Jetōb tōl, jar ilo kāālet jejjo men ko kwonaaj kōñaan kōkōmānmanlōk. Ejaak jet kōttōpar ko, im kōjerbal kein jipañ in ñan jipañ eok emņanlōk.

Pedped ioon Jisōs Kraist

- ___ Ij katakin kōn Jisōs Kraist jekdoņn ta eo ij katakin kake.
- ___ Ij kōmejajaik aorōk eo an waanjoñak eo an Jisōs Kraist.
- ___ Ij jipañ ro ij katakin er kile iakwe, kajoor, im tūriamo kake eo an Irooj ñan mour ko aer.
- ___ Ij jipañ rikkatak ro kōkajoorlōk jemjera eo aer ippān Jemedwōj Ilañ im Jisōs Kraist.
- ___ Ij jipañ rikkatak ro kōn kōttōpar ilo kijejeto ko aer ñan eromlōk āinwōt Jisōs Kraist.

Iakwe Ro Kwoj Katakin Er

- ___ Ij kajjieoñ lo rikkatak ro ilo wāween eo Anij ej loe er ie.
- ___ Ij pukot ñan jeļā kajjien ro ij katakin er—ñan meļele kōn jekjek ko aer, aikuj ko, im kajoor ko.
- ___ Ij jar kōn rikkatak ro kōn etāer.
- ___ Ij ejaake juon jikin ejokne ijo aolep rej kauteij doon im ijo rejeļā kōn joñan aorōk in jo koñ aer.
- ___ Ij kappukot wāween ko rekkar ñan kwaļok iakwe eo aō.

Katakin jān Jetōb eo

- ___ Ij kōpooj ña make ilo jetōb ñan aō katakin.
- ___ Ij loor imwe ko an jetōb kōn aikuj ko an ro ij katakin.
- ___ Ij ejaake jikin ko im iien ko remņan ñan ro ij katakin ñan aer katak jān Jetōb kwojarjar.
- ___ Ij jipañ ro ij katakin kappukōt, kile, im jerbale revelesōn an juon make .
- ___ Ij kwaļok aō naan in kaņool aolep iien, im ij rōjañ armej ro ij katakin ñan kwaļok ta ko rej eñjake, men ko rekar eñjake, im naan in kaņool ko aer.

Katakin Katak eo

- ___ Ij ekkatak katak eo kōn Jisōs Kraist kōn ña make.
- ___ Ij katakin jān jeje ko rekwojarjar im naan ko an rika-naan ro raan ko āliktata.
- ___ Ij jipañ armej ro ij katakin kappukōt, kile, im meļele mool ko ilo jeje ko rekwojarjar.
- ___ Ij pedped wōt ioon mool ko me rej tōl ñan oktak im kalōk tōmak ilo Jisōs Kraist.
- ___ Ij jipañ ro ij katakin kappukōt make revelesōn ilo katak ko kōn Jisōs Kraist.

Karuwaineneik Niknik ilo Ekkatak

- ___ Ij jipañ ro ij katakin bōk eddo ñan aer make katak.
- ___ Ij rōjañ ro ij katakin er ñan itok im jeļā ad Ripinmuur jān ekkatak kōn gospel eo aolep raan.
- ___ Ij kūr ro ij katakin er ñan kōpopo ñan ekkatak.
- ___ Ij rōjañ ro ij katakin ñan kwaļok mool ko rej ekkatak kaki.
- ___ Ij kūr ro ij katakin ñan mour kōn men ko rej ekkatak kaki.